



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 390. 391. De bonis traditis in Biarunhus et Bredanbiki in pagis Tilithi et Lainga.

**urn:nbn:de:hbz:466:1-36114**

Ab anno  
922 vsque  
942 re-  
gnante  
Henrico I.

§. 390.

Tradidit haddi pro filio suo hadda LXX iugera in *biarunhus* (r) et I iurnalem.

§. 391.

Tradidit siboda pro fratre suo brunhardo et pro uxore sua aldan in *bredanbiki* (f) quidquid ad illum locum pertinet et VII familiaf.

§. 392.

De villa  
Biarun-  
hus in  
pago  
Tilithi.

- (r) *Biarunhus* villam in pago fuisse *Tilithi*, refert abbas noster Saracho. Significari putamus vicum *Berenfen*, nunc subiectum Principatui Wolferbutrelano ac innexum inspectioni Hallensi. Spectat ecclesia Berenfenfis ad ecclesiam, in Bessingen obuam. *Haddonem*, qui in hac villa quadam tradidit, ad progenitores comitum de Northeim et nobilium dominorum de Homburg referre libet, quia supra (§. 326.) *Sifridus*, qui procul dubio fator nobilium dominorum de Homburg fuit, uti §. 104. not. (1) demonstrauius sita, in ante dicto vico Bessingen quadam donauit. Ipse anno 922. adhuc in viuis fuit, uti nos docet §. 398. Huius itaque *Sifridi* frater videtur fuisse *Haddi* noster. Huius porro nepos fuisse videtur *Hoda*, filius *Godrunae* nobilis feminae, quae anno 1017. praedium *Gelanthorp*, in eodem pago *Tilithi* situm, contulit ecclesiae Paderbornensi, teste *Vita Meinweri* f. 537. Cum autem *Haddi*, *Hadda*, *Hoda*, *Hiddi* et *Hiddico*, vnum idemque nomen sit, ratio exinde perspicui poterit, cur *Otto* dux Bauariae et Comes Norheimii, primum genito suo nomen *Hiddiconis* indiderit. Hic ecclesiae Corbeiensis aduocatum, quae hereditaria erat, ac diplomatis nostris testantibus erat geniti primum, tenuit aequae ac pater eius *Otto*, dux et comes.

De villa  
Bredan-  
biki in  
pago  
Lainga.

- (f) Villa *Bredanbiki* tribuitur ab abbate Sarachone pago *Lainga*. Hunc in aliqua Principatus Luneburgici parte existisse, supra vidimus. Probe ergo discernendam esse censemus villam nostram a *Bredenbike*, intra pagum *Logne* sita, atque a *Bredanbeke*, intra pagum *Tilithi* obuia, de quibus egimus supra §. 33. et 326. Villam *Bredanbiki*, in pago *Lainga* sitam, putamus esse vicum *Breitbeck*, locum Principatus Luneburgici in praefectura seu *Amtsvogtei* *Bergen*. E situ huius villae collegimus, *Sibodam* eiusque fratrem *Brunbardum* spectasse ad illusterrimam familiam *Billinganam*, e qua *Hermannus Billingus* ab *Ottone* caesare est dux Saxoniae creatus. Arbitramur itaque, *Brunbardum* eundem fuisse, de quo iam supra egimus §. 303, 313, 314, 323, 325, 339. et 381. Vnde apparet, eundem fuisse fratrem *Billingi*, ac filium *Amelungi*. Monasticam eum egisse vitam in Corbeia nostra, patescit et perspicitur tam e catalogo MSCpto fratrum Corbeiensium, quam e chronico nostro Corbeiensis MSCpto. Ex illo discimus, *Brunbardum* tempore gubernantis suos abbas Corbeiensis *Godescalci* circa annum 893. monasterium Corbeiensis iniisse; Ex hoc autem apparet, eundem esse anno 922. rebus humanis exemptum. Ita enim l. c. eius fratres memoriae prodiderunt: *Anno DCCCCXXII. XIII. kal. iulii obiit brunhardus commonachus noster, longiori vita dignus, corpus eius sepultum in basilica nostra, rogatu eius fratrum siboda et billingi cantauimus ei requiem solemnissime.* Ex his verbis patet primum, *Brunbardum* Corbeiensis monachum habuisse duos fratres, *Billingum* et *Sibodam*, eosque adhuc anno 922. in viuis fuisse. Deinde discimus exinde, *Brunbardum* anno 922. esse mortuum, et ipsum fuisse e familia quadam illusterrima procreatum. Si enim ex ea natus non fuisset, solemnissime Corbeiensis nostri pro eo missam non cantassent. Adde, quod *Siboda* bona, ad *Bredanbikum* sita, tradidit Corbeiae anno 922. Eo autem iam tempore facies Germaniae nostrae plane immutata erat. Rex enim *Chuonradus*, eodem Chronico nostro teste, anno 918. e vita exierat: atque anno 919 *Henricum, filium Oddonis, in loco Fridislarum in regem elegerat exercitus Francorum Baiuoriorum Alemannorum Turingorum et Saxonum.* Quod circa initium anni 919 peractum fuisse, ex eo probabile est, quia eodem anno *Ungarii* rursus venerunt et totam Saxoniam percurrentes oppida et villas dedere flammis, cumque tristi spoliauerunt rapina. Ab hac strage Corbeiensis nostri non erant immunes. Quaecumque enim *Folcmarus* abbas vix insinauerat, ea vastabantur